

Bh. organi preuzimaju nadležnost za civilnu avijaciju

Međunarodni stalni komitet za Bosnu i Hercegovinu je jučer u Sarajevu održao svoju posljednju sjednicu i na taj način efikasno izvršio predaju svojih nadležnosti za nadgledanje procesa potpune normalizacije civilne avijacije organima BiH. Tokom sastanaka na kojem je prisustvovala i gospođa Azra Hadžiahmetović, ministar vanjske trgovine i ekonomskih odnosa, kao i drugi predstavnici organa BiH, Evropske komisije, Eurocontrol-a, te OHR-a i SFOR-a, dogovoreno je uspostavljanje novog Upravnog odbora za civilnu avijaciju BiH (CASC).

Ovaj Odbor će nadgledati, ojačati i poboljšati funkcioniranje institucija civilne avijacije. Odbor će takođe pratiti daljnje aktivnosti u oblasti civilne avijacije u BiH i njihovo odvijanje u skladu sa sigurnosnim standardima Međunarodne organizacije za civilnu avijaciju, Evropske komisije za civilnu avijaciju, Eurocontrol-a (BiH će krajem godine postati članica Eurocontrol-a) i Zajedničkih tijela za avijaciju.

Tokom sastanka, Međunarodni stalni komitet za BiH je konstatirao da je u toku protekle godine Bosna i Hercegovina poduzela značajne mjere u cilju prenošenja nadležnosti za ovu oblast na lokalne institucije. Iz tog razloga BiH se priprema da krajem 2002. godine preuzme nadležnost za službe zračnog prometa koje rade na sarajevskom aerodromu. U cilju održavanja istih sigurnosnih uvjeta, u toku narednih nekoliko dana Odjel civilne avijacije Federacije BiH potpisaće dva ugovora: jedan se odnosi na pružanje usluga zračnog prometa, a drugi na kupovinu terminalnog prilaznog radara koji bi trebao

biti instaliran u proljeće 2003. godine.